

Poraz juniora BiH od Izraela, slijedi borba za plasman od 9. do 16. mjesta



Juniorska košarkaška reprezentacija Bosne i Hercegovine poražena je od selekcije Izraela sa 82:77 u petom, posljednjem kolu grupne faze Evropskog prvenstva B divizije za igrače do 18 godina u rumunskom gradu Oradeu.



Izabranici selektora Aleksandra Ćikića tako su grupnu fazu završili s tri pobjede, nad Islandom, Norveškom i Luksemburgom, te dva poraza – od Češke i Izraela, te su osvojili treće mjesto u grupi C.

U nastavku takmičenja borit će se za plasman od devetog do 16. mjesta, dok su dvije prvoplasirane ekipe Izrael i Češka izborili četvrtfinale.

Na Evropskom prvenstvu sutra je slobodan dan, dok u petak mladi bh. košarkaši igraju meč protiv četvrtoplasirane ekipe iz D-grupe. (F, tl)

Date: 31-07-2019